

آبونه شرائطی

داخل و خارجی، مریایچون
شکلکی (۲۵۰)، آلتی آیلنی
(۱۳۰) فروشدر .

نسخه سی • فروش ،
شکلکی ۵۲ نسخه در

اداره خانه

باب مالی جاده سنده دائره مخصوصه
اخطارات

آبونه بدلی . پهنندر

مسلكه موافق آثار مع المنونیه
قبول اولنور . درج ایدله یین
یازیلر اعاده اولونغاز

و الله یهدی من یشاء الی صراط مستقیم

محمد عاكف

اشرف ارب

اتبعون اهدکم سبیل الرشاه

کتابخانه

۱۳۳۰

دینی ، فلسفی ، علمی ، ادبی ، سیاسی هفته لقی مجموعه اسلامیه در
بانی محرر صاحب و مدیر مشول

اخطارات

ادرس تبدیلنده آیریجه بش
فروش کوندربلیدر

مکتوبلرک امضاری واضح
واوقوناقلی اولسی و آبونه صره
نومروسی محوی بوتسی
لازمدر

ممالک اجنبیه ایچون آبونه اولانلرک
آدرس لرینک فرانسزجه ده یازلسی
رجا اولنور

باره کوندربلیدیکی زمان نهیه دائر
اولدینی واضحاً بیلدیرلسی
رجا اولنور

قصیده نعتیه

شاعر مشهور فضولینک نعت نبوی متضمن اولان (سو) ردیفی
قصیده سنه نظیره در .

مبدأ فیاض اولوب هر جسم کوهن باره سو
معنوی مأمور در حق قدرتن اظهاره سو
مایه اسراریدر نور حیات عالمک
موجه موجه لمعه زندر جبهه آثاره سو
صانکه بر روح المحاسندر بهار فطره
رنک رنک اولمشده کیزلنش رخ ازهاره سو
قابلیت فیضنک اسرارینی تفهیم ایچون
ایرنیساندن اینوب دونمش در شهواره سو
برک کلدنه ژاله یه دوشدکجه نور آفتاب
ریزه ریزه موجه زندر آتشین رخساره سو
ساحل تکوینه طوغری موجه خیزجوش اولان
بحر قدرتن آقار انهار ایله ابچاره سو
ایلر احیا هرا یچن دلمرده بی برقطره سی
منبع حقندن آقار سرچشمه ابراره سو
قصیدی خاک پای یاری بن کبی تقیلدر
چاغلابوب سرعتله پویان سمت کوی یاره سو
خانه بردوشک فلاکت حالنی تصویر ایدر
طور میوب ایلر سفر هر دشته هر کهساره سو
آب لطفی تشنه دللردن دریغ ایلر زمان
ویرمامشدر کر بلاده زاده کراره سو
ایسترم اولسون تجلیاب رؤیت هر بصر
ایمنسون هیچ برکوزم عالمده یارب قاره سو
جانی جانان عشقنه ایشاری تعلیم ایلور
اتلابوب شلاله دن اولدجه یاره یاره سو
عکس اشیا منجیلدر صفحه سنده هر زمان

اولیه بر مرآت حقدر چهره آثاره سو
سینه کی حب نبیدن شعله دار فیض قیل
کل آچیلسون ایله اجرا صفحه کلزاره سو
وجهنی ایتسم تخطر کوز یاشی ایلر هجوم
شمسه قارشنی کلسه البته طولار ابصاره سو
آغلادجه بن بی عشقیله چاغلار سینه سی
صانکه عاشقندر بخله احمد مختاره سو
بحر زخار الهیدر محمد مصطفی
فیض علمندن آقار هر قلزم افکاره سو
فیض حق آب ازلدن ایلش ریان آنی
جوهر یله کیرمامشکن عالم انواره سو
جود ولطفندن خروشان هر زمان آب حیات
حسن خلقندن ویرر هم یاره هم اغیاره سو
اولسه یدی جویبار فیض عرفانپوری
هانکی منبعدن کلیدی کلشن اسراره سو
هرولی اولمش اکا برچشمه سار معرفت
هپ اودر مردم ویرن هر عاشق غمخواره سو
سلسیل فیض اسرارندن آلمشدر آلمک
لازم اولدجه بنای عشق ایچون معماره سو
(یا محمد) آغلادم بیلرجه نارم سونمدی
آب لطفکدن سونر برقطره دوشسه ناره سو
جبرئیل آسادر کده قلبی دربان ایلدم
سن ویرر سیک بن کبی بر تشنه خدمتکاره سو
بن سو مضمونیه مدح ایتدکجه فخر عالمی
زوضه قلبمده در (مجدی) بنم فواره سو

اسکدار ۲ کانون ثانی ۳۳۶ عبدالعزیز مجدی

موعظه

دارالحکمة الاسلامیه اعضا سنده استاد حکیم فزیر بک افندیکنک
آیا صرفیده کی مرعظری منحصه سی

— ۶ —

اعوذ بالله من الشیطان الرجیم . بسم الله الرحمن الرحیم . (واللهکم
اله واحد لا اله الا هو الرحمن الرحیم) صدق الله العظيم .
جنساب حق قرآن حکیمنده بویور بیورکه (واللهکم اله واحد)

سزک اللهکنز بر در . (لا اله الا هو) اوندن باشقه عبادته احق والیق
هیچ بر معبود یوقدر . معبود بالحق اودر . (الرحمن الرحیم) هم
رحمن ، هم رحیمدر . جناب حقک رحمانیق عام ، رحیمیق خاصدر .
رحمندر ، یعنی لطف واحسانیق عام وشاملدر . اولیه اولماسه کندیسنه
قارشنی طغیان ایدن کیمسه لری اهلاک ایتسی لازم کلیر ایدی . حال بوکه
اولیه یایما یور . هر کیمی احساننه مظهر ایدیور .

(واللهکم اله واحد ...) امام اعظم حضرتلری (فقه اکبر) نده
دیورکه : (والله تعالى واحد لا من طریق العدد ولكن من طریق انه
لا شریک له) اللهک وحدانیتی بزم بیلدیکنز وحدت عدد ایله دکلدیر .

چونکه علم نقطه نظرندن هر معدود محدوددر . حال بوکه جناب حق
حصن عددی دائره سینه کبرمکدن منز و متعالیدر . اللهم وحدانی
دیگ ، شریکی ، نظیری یوق دیمکدر . جناب ذات باری بزم ادرا کمزک
یتیشتمیه جکی شیری ، بزم آکلایه جعفر صورتده تفهیم بویورمش .
سنة الله بو منوال اوزره جاری .

صوکره الله ینه قرآن حکیمده (سوره نحلده) بویوریورکه :
(الهمک الله واحد فالذین لا يؤمنون بالاخرة قلوبهم منكرة وهم مستکبرون)
سزک اللهم الهمک الله واحددر . آخرته ایمان ایتمین کیمسه لک قلبری
ذات الوهیتی انکار ایدر ، تصدیقندن ابا ایدر . اولیه اولان کیمسه لده
استکبار ایدرلر . یعنی ساقه کبر ایله تصدیقندن ، عبادتدن ، طاعتدن
انحراف ایدرلر . تصدیق الوهیت یاشاماق ... انسانلرک بو درلوسی ده
وارددر . نمود باقه تعالی . بو ایکی شی یعنی انکار واستکبار انسانلرک
موجب هلاکی اولمشدر .

بو ایکی خصلت فیمیه ساقه سیله صدر اولده اولیه شیلر وقوعه
کشدیرکه انسان نفلندن استیجا ایدر . جناب پیغمبره قارشی وقوع
بولان تجاوزات ، منافقینک ، مشرکینک یابدینی شیلر ، هب بو خصلتلرک
برده اولنره انضمام ایدن حسدک نتیجه سیدر .

صبره سی ککش ایکن حسد حقنده بر ایکی سوزسویله مک ایسترم .
افراد جمعیتک حسدندن تبریی بر لازمه اجتماعیه در . جمعیت بشریه
محبت متقابله اوزرینه طورور . بز ایچمزدن هر هانکی بر کیمسه نک
موفقیتیه حسد ایتیملی یز . حسد جوق فناشیدر . بوندن مذموم بر
خلق یوقدر . ای ، فداکار ، مجاهد کیمسه لرمنزه افتخار ایتیملی یز .
هر هانکی مسلکده اولورسه اولسون ای بر آدمک وجودی مابه .
الافتخارمن اولملی در .

ایشته انبیای ذیشان قارشی مشرکینک منشاء عداوت وتجاوزی ده
بو ایکی نقطه ایدی . مشرکار ، منافقار : - حاشا -

- بو رسول الله دینیلن آدم کیم اولیور . اوده بنم کی آدم .
دون بخله برابر او طوروب قالدیور ایدی . بوکون د ساددن بکا وحی
الهی کلدی ، دییور . بن نصل بوکا اینانیر ، ناصل دینی قبول ایدرم ؟
صوکره افترا ایتدیلر . الله ، حیینه قرآند بو کی حاسدلردن
استعاضه ای امر ایدیور . ذات اقدس رسالته قارشی عوام کالهوم
طرقندن یا پیغمه دق اذی قالدی . بو حاسدلرک نسل خینی حالانقطع
اولامشدر . کوزدیکدکری آدملر حقنده نه لر اویدورورلر ! اللرنده :
عیاش ، قلاش ، اوباش ، جرار ، مکار ، عیار ، طرار کی اسملر ویرلش بر جوق
زهرلی او قلا وارددر . بونلری اوکلرینه قویارلر . بو وجدانسزلر هیچ
بر افترا دن چکینمزلر . ایچلری فساد طولودر . شیطانله یالکزر قالدیجه
متصل مفسدت تعلم ایدرلر . بر آدمه اسناداته باشلادیلمی اول بو
او قلاک برینی آتارلر . راست کتیره مدیلرمی ، او برینی آتارلر ،
صوکرده دیکرینی ، الخ ... او بیچاره آدمه اسناد ایدمک برشی
بوله مدیلرمی ، زوالینک حریم عصمتنه قدر تجاوز ایدرلر . بویله

کیمسه لره نه دییلم . الله اصلاح ایلسون .
حاصلی بو ایکی ردیلهدن توقی هر کس وجیه ذمت بیلملیدر .
چونکه سعادت امت بو نقطه ده در .

ایشته الله وحدانیتی ، بر اولدینتی ، شریک ونظیری اولمادینتی
قرآن ده بزه بیلدیریور . کتاب سبای اولان او کتاب اقدسده الله
دیورکه : (والهمک الله واحد ...) سن اللهی طانیورمیسک ؟ بو وحی
الهیدر ، قبل سبحانیدن وحی اولونمش بر کتاب اقدسدر ... بونی
دیورسه ک آرتیق باشقه دلیل آرامیه حاجت یوقدر . مؤمن موحد
ایچون یوقدری کافی . لکن بر جوق آغیزلردن شهلر ایشیدیلور ،
مناقشه لر ایدیلور . بویله آدملر اکسیک اولمش می ؟ اونه کیر کی بو
ملحدلرک نسل خینی ده منقرض اولماز . هیئت اجتماعیه یی تمامیه بونلردن
تطهیره قالدیشمق عبثله اشتغالدر . چونکه اییلرک قیمتی تقدیر ایچون
قنارده اوله جق . کافر اولما یجه مؤمنک قیمتی آکلاشیلماز . ملحد
اولما یجه موحدک قیمتی تقدیر اولونماز . بوتون انسانلر ای اولسون
دیرسه کز صوکره اسماء الهیه معطل اولور . ایسی اولدینتی کی ، فاسق ده ،
فاجری ده لازم . مقتضای حکمت بودر .

اوت اقدم ، قرآنی تصدیق ایدیورمیسک ؟ نه کزرا سن قرآنک
آنحق حروف وظروفی کوریورسک . او حروف وظروفده کی معنای
جلیلی تفکره ، اومعاندن تأثره استعدادک یوق . چونکه قلبک چیفیت
جاری سی کی . ولوله انکارک صدای مزعجی استماع حق وحقیقه
مانع . شاعر نه کوزل سویله مش :

عروس حضرت قرآن نقاب آنکه براندازد
که دارالملک ایمانرا مجرد بیند از غوغا
عجب نبود که از قرآن نصیبی نیست خبر نفی
که از خورشید خبر گرمی نیند جعم ناپنا

شیمدی آرتیق قرآنه قارشی سوء ظنده اولانلر قرآنی دکل ،
کندیلرینی دوشونورلر . شاعر ، قرآنی برهروس نازینه ، برکینه لشییه
ایدیور . کلین یوزندن دوواخی آنحق دارالملک ایمان ولوله جدالدن
آزاده بولوندینی زمان رفع ایدر . منکرلرک نقوش ظاهره قرآندن
باشقه برشی کورمه ملرینه تصجب ایدیلیملی . بویله بر آدم قرآنی اله
آله اولنک حروف وظروفندن باشقه برشی کورمن . معانی جلیله سنک
مزایاسنه واقف اوله ماز . زیرا کوزی کور اولان آدم یالکزر کونشک
حرارتی حس ایدر . نورینی ، ضیاسنی کورمن .

فی الحقیقه کور کونشک ضیاسندن نه استفاده ایدر ؟ کونشک وجودیه
آنحق حرارتیه حکم ایدر . ایشته قرآنک حروف وظروفی داخلنده
قالانلر قرآنه باقچه ساده جه کلاتدن ، مذهب جهلندن باشقه برشی
کوره مزلر . قرآنک نور حقیقی قلبلرنده تجلی ایتز . چونکه دارالایمانده
محاربه اولیور . اوراده شیطانلر فوت بول مسابقه سی یاییور . نفس
هوا وهوسله طولمش . هریری برهوا جالیور . بویله آدم ایمانک نورندن
البته حصه مند اوله ماز . اوله ساحه ایمانی فوت بول مسابقه سنه ترک

ایتملی . قرآنی خضوع و خشوع ایله اله آملی . [ان شاء الله هب بونلری سویله یه حکم . الله سویله تیرسه .]

حکیم (سنائی) نکه ده بومالده کوزل برقطعه سی وارد درکه مالی شودر : اوت کور آفتابی کورمن . آنهق حرارتیه وجودینه حکم ایدر . بصر بصیرتنه همی طاری اولان ضال و مضل ده قرآنک یالکز ظواهری کوریر . قرآندن متأثر اولق ایچون ایمان ، ادب لازمدر . ناصیل که برکیمسه هوای نفسانی یه خادم اوله حق بر محاسنه کیدر . تمایله او محاسنک آدابنه رعایت ایدر . مثلاً بر شرقی دیکله مک لازم کلسه بوتون حضور قلبی بریره جمع ایچون نه یایق ممکنسه یاپار . قرآنه کلنجه نه ادب طایفه نه برشی . اوکا قارشیده بویله خشوع و خضوع اوزره اولسه که آ . منکرلر :

— قرآنده نه وار سانکه ؟ بسیط بسیط فکرلر . بونکه ایش اولورمی ؟ بوزمانده بزی تعلیمین ایدرمی ؟ دیورلر .

ایشته بو ، ضلالک الک طبعی در . دها طوغروسی ادبیزلکدر . مع مافیه بورذالت یکرمنجی عصرک مفاخرندن دکلدز . دها چوق اول بوهرزلر سویلنمشدر . حضرت مولانا زماننده منکرین مثنوی شریفه قارشى طغیان ایتدیلر :

— بونه در ؟ دیدیلر ؟ مولانا بر طاقم قورد ماصالیرنی طویلامش . عالمک کوزنی بویاور ...

حضرت مولانا بوندن متأثر اوله رق بواعتراض بی ادبانه نک یالکز مثنوی یه قارشى دکل ، حضرت قرآنه قارشیده درمیان ایدلایکینی سویله یور .

الله ذوالجلالک کتاب سوا یسی ده بوموال اوزره نازل اولدی . حضرت فرقان حکیمده کفره فجره بویله طلعن و تشنیع ایتدیلر . نه دیدیلر ؟

— آدام ... بونلر بر طاقم ماصالاردن ، اساطیردن هبارتدز . بر حقیقت فوق العاده یوق ...

حال بوکه انسانی اصل ضلاله دوشورن ، یاکیلتان بودر . — ایکی یاشنده چوجقلر بونی آکلار . اکر اولاد هریدن ایسه ، یاخود لسان عربیه آشنا ایسه ... باق شیطان لعین ناصیل اورییور !

— نه وار سانکه ؟ هانی کوکرمه چیقارمحق قیمتی نروده ... نمود بالله . نلر سویله مشلر . نه بد طینلر کلوب کچمش . نه ملحدلر دیلر اوزاتمش . یعنی بومنکرلر شو عصرک یادکارلری دکل . بونلر اونسل خبیثک جاهل ولدلری ! دها نلر وار !

— ایشته قرآنک مندرجاتی : آدمک یاوادمی ، جنتدن اخراج ایدیلسی ... بو بویوک برشی دکل . صوکره قوم عادک ریح صرصرله هلاکی ... یعقوب ایله یوسفک حکایه سی ، ذلیخانک قصه معلومه سی ، اسماعیلک وقعه سی ، ایحباب فیل وقعه سی ... بونلر هرکسک بیلدیکی

شیلر ... ایشته سترک قرآن دیدیککیز بویله اساطیر اولین ، قصص و حکایات ...

حاشا ، حاشا . فقط نه چاره ، بونلری سویله مه ده ضرورت وار . بونلر هب جهل و حماقت . دها طوغروسی ادبیزلک . نهدن بویله اولیور ؟ بساطلندن . صوکره حضرت مولانا بر حدیث شریف نقل ایدیور : (ان للقرآن ظهراً و بطناً ...) قرآنک یدی بطنی واردر . اوبطنلر بزه کوره یوقدر . چونکه بز ادراک ایده مدیکمز شیئه معدوم حکمنی ویررز . بزم کویده (بکربکننده) عنادجی بر آدم واردی . برکون فاتحک حمله قاپوسنده زنجیر وارمی ، یوقی ؟ دییه بریسیله بحثه طوتوشوب یوق دییه اصرار ایتدی . نهایت قالقوب برابر فاتحه اکتدیلر . زنجیر وار دییه ادما ایدن قوجه زنجیری حریفک کوزینه صوقش . نه دیرسکیز ، حریف زنجیری ایله طوتدینی ، شائغیر شائغیر صاللا دینی حالده یته « یوق دیدم یوق ! » دییه عناددن واز کچمدی . آرتیق بویله ادملره نه یاپیلیر ؟ یوق دیدی بطنی . قرآنک نه بطنی وار ، نه ظهیری . کاغد اوستنده نه کورورسه او .

حضرت مولانا دییور : سن بیل که قرآنک حروف و ظروفک ظاهری واردر . اونک ظاهرینک ضمننده قاهر ، عظمتلی ، برده باطنی واردر . اونک قهری عظیم . اوبطنک ایچنده بر بطن دها وار . هرکس اوبطنی مدرک اوله ماز . عقللر اورایه کلنجه غائب اولور . فقط سن اونک رجلی دکلسک . بورونکک ایلرینی کوره مزسک . باری یرکده اوطورده حدیکی بیل . ناصیل علوم و فنونه ، صنایعه متعلق برشی تکلیف اولوندینی زمان « بیلیم ، یابه مام » دییورسک ، بوراده حدیکی بیلسه که آ .

یته حضرت مولانا دییور : قرآنک دردنجی بطنی اللهدن باشقه کیمسه کورمیدی . ای اوغل ! سن قرآنک یالکز ظاهری کورمه . ظواهرینه قصر نظر ایتمه . شیطان ، انسانک جسمانیشتدن باشقه برشی کوره مز . نته کیم ابلیس حضرت آدم ایچون اوله دیدی : « اونی طوپراقندن ، نی ده آتشدن پاراتدک . بن اوکا ناصل سجده ایدرم ؟ » چونکه آدمده کی سر الهی کورمندی . بر حیوان نه بیلیر انسانک قیمتی ؟ ابلیس ده اوله دیدی : آدمک طینندن باشقه برشی کورمیدی . شیطانک طینندن ده آدمیت خاصه شنه انتظار عیشدر . « از طبع دیو آدمی مجو »

حضرت قرآنک ظاهری شخص آدمی کی در . سترک ، بنم کی بر هیکل محسوس جسمانی ده اوله در . او قرآنک مینک شکل ظاهریسی میداند . هیکز اونی موقع تکریمده بولوندورورسکیز . فقط بر روحی وار که او کزلیدر ، خفیدر . اونی بیلیمک ، بولق ایچون لازم کلن استعدادی الیه آتیه چالیشمالی . هرشی بویله در . بو خصوصده هم برشی بیلیمز ، هم ده آفرینه کلنی سویلر . ایشته کوجه کیدن بودر . بر بارجه ادبکی طاقیکسه که آ .

بر آدمک غمجه سی ، دایینی فرق سته اونکه برابر بولونسته یته حالتدن برشی کوره مز . سرائینه ، سرائی نقاطنه افاذ فکر و نظر

ظن ایدرسک . فقط انسان عالم ا کبردر . بوتون عوالم انسانده مندجدر، منظویدر. بویه یرلرده جسمانی بویوکلک ، یاخود کوچکلک موضوع بحث اوله ماز .

— اوت اما، قرآنک مندرجاتی بسیط ...

بیهی خان ! بیهی ظالم ! سن اللہک آیات آفاقه سنه باق . اللہک اللہک بویوکل قانونی الہ بسیط اولانیسدر . بساطتدن نه چیقار؟ قرآنده نیجه حقایق وار . فقط سنده کورمک استعدادی یوق .

باق بر کره سایه ، نه کورورسک ؟ بر کونش . اطرافنده طائفیر طونفور دون برکتله ترایه . اونک دونوشدن کیجه کوندوز اولیور . فصول اربعه اولیور . بوندن بسیط برشی اولورمی ؟ اللہک قانونلریده بویه بسیط . قوجه کره طویاج کبی دونیور . شو قانونک بساطتنه باق . صوکره سنک او کره ارضکده ظهور ایدن نامتناهی حالات غریبه به باق . فقط الہ ضریقی بو قدر بداهته قارشی سن هم اللہی ، همده اونک کتابی انکار ایدیورسک . دیمک که برشیئک بساطتی اونک اصلنده کی عظمتی اسقاط ایچون سبب کافی اوله ماز . بساطتی سرشته اتخاذا ایدرک بونک حکمی یوقدر ، قیمت علمیه سی شو قدردر دییه هذیانلریکه قارشی دینه بیلورکه : سنک قیمت فیه کده کره نک طائفیر طونفور یووارلانمندن باشقه برشی دکدر . کرهده شو حرکت بسیطه نیجه انقلابات یامش . نیجه حیوانات ، نیجه ازهار وجوده کتیرمش . آکلادکی بساطتک نه اولدیفنی ؟ ایشته قرآنک بساطتک ایچنده اوله حقایق وارد که دنیا ایچنده دنیا یارامش . بوقدر علما ، بو قدر فقها قرآنک عظمت شانی اوکنده سرزمین حیرت اولمشکن سن نه جرأله بو کبی ترهات ایله قرآنک عظم شانی تنقیص ایتک ، حائر اولدیفنی اهمیت اسقاطه ساعی اولق ایسترسک ؟ بو ، احققلک صوک پرده سیدر .

سوق کلام بزه باشقه سوزلر سوزیلندی . بزده بو وسیله دن بالاستفاده سوزی قرآنه انتقال ایتدیردک . بوراده قالسون . اللہ فرقان حکیمنده کنديسنک بر اولدیفنی بزه سوزیلور (والہکم الہ واحد لا الہ الا هو الرحمن الرحیم) شیمدی قرآنه ایمانک وارسه اللہ ذوالجلالک انزال بیورمش اولدیفنی آیتله اکتفا ایدرسک .

— اما بر آرزوها توسیع معلومات ایتک ایسترم ..

دیه جکسک . وار ایت . اوندهده بآس یوق . ای منکر ، بنسکا خروس عقلی بیله دییه میه جکم . چونکه خروسک درایتدن صرف نظر ، بر جوق محاسنیده واردر . مثلاً عالمه سنی چوق سور . حمایه سی خصوصنده بویوکل بر غیرت اظهار ایدر . جرم عصمتنه کیسه یی تجاوز ایتدیرمز . تجاوز ایدنه قارشی چیرینه رق هجوم ایدر .

بیلیج عقلی ... اونیده دییه میه جکم . چونکه ایکی کونلک بیلیج آناسنک جناح شفقته صغیر ، اوراسی کنديسنک مأمی اولدیفنی بیلیر . چایلاق کچرکن اورایه قاجوب کیزلنمی اوکا کیم اوکره تدی ؟ کنديسنی تعرض اعدادن حمایه ایچون اوجناح شفقته ملجاء کافل وکافی

ایده مز . حال بویه ایکن زید و عمرو بر رینک احوالندن ناصیل خبردار اولور؟ هیمزک ادراکی باشقه سی ایچون قاپالی در . حق بنم نیی بیلیشم کندی شعورم ایچنده . سندن انتقال ایدن فکرمی بیلیورم . عظیم مسئله در بو . علم النفسک الہ مهم بر مسئله سیدر . قاریشدر رسق بودرس ایله ایکی آی اوغراشمق لازم .

ایشته قرآن عظیم الشان ... بوکالینایرسهک ، آیاتی قبول ایدرسک . (لو انزلنا هذا القرآن علی جبل لرأیتہ خاشعاً متصدعاً من خشية الله وتلك الامثال نضربها للناس لعلهم يتفكرون) طاغیر - مدار تکلیف اولایدیده - قرآنی اوزرینه ایندیرمش اولسه یوقوجه طاغیر خشوعه کلیر ، اللہ قورقوسندن پارچه پارچه اولوردی . اما طبعی ، معناسنه اطلاع شرطیله . انسانلر تأمل ، تدبر ایتسونلر دییه بز بو امثالی ضرب ایتدک .

اللہ ضرب مثل یابرمی ؟ بزم ایچون یابار . هر هانکی بر حقیقی بزم ادراکزه صوقق ایچون فهمی الہ سہیل اولان مثاللر ایله تنویر ایدر . (ان الله لا يستحي ان يضرب مثلاً ما بعوضة فما فوقها) اللہ سیوری سینکدن بیله مثال کتیرر . بوندن استجیا ایتمز . ایمانی اولانلر بونک حق اولدیفنی تقدیر ایدرلر . (واما الذين كفروا فيقولون ماذا اراد الله بهذا مثلاً) فقط اللہ ایمان ایتمینلر : « نه در بوندن اللہک مقصدی ؟ » دیرلر . ینه شیطان خرطومنی قلبه صوقدی . (یضل به کثیراً ویهدی به کثیراً) اللہ بر چوقلرینی اضلال ایتدیکی کبی ، بر چوقلرینیده مظهر هدایت ایدر . (وما یضل به الا الفاسقین) اللہ آنحق فاسقلری اضلال ایدر . باق ، بو عظمتی ایله برابر سیوری سینکدن بحث ایدیور ، بونصل شی ؟ آل برفساد تخمی ده ! بک اعلا کنديکی دوشونسهک آ . عوالم غیر متناهیه ایچنده کبر جسمانی اعتباریله سنکله سیوری سینک آراسنده نه فرق کوربورسک ؟ فقط سن جسمکله می انسانسک ، یوقسه روحکله می ؟ سن نه سین ؟ نیچون جناب حقک طرز تبلیغه اعتراض ایدیورسک ؟ صغر جسم اعتباریله سیوری سینکدن سنک نه فرق وار ؟ فضای نامتناهیده کره ارضی آلہ جقسک ، درده تقسیم ایده جکسک . او ربک ایچنده لایعد مخلوقات . اونلرک ایچندهده برفرد ناجیز . انسان بویه می دوشونولور ؟ انسان جسمانی اعتباریله نه قدر اهمیت سزدر . لکن انسانی اعتباریله کون و مکانه صیغماز . حکیم اول . حکمته موافق دوشون . صاچه سوبله مه . انسانک انسانی بو هیکل محسوس جسمانی ایله دکلدر . او جوهر کثیف لاشی حکمندهدر . بر حدیث قدسیده . بنی ارض وسما آلاز . آنحق مؤمن قولک قلبی آیدر . ، بویوریلور . باق نه بر اولدیفنی آکلا . اونک ایچون اللہ سیوری سینکندن بحث ایدر . بر کنديکی بک ذلیل طوتمه . قرآن سنک ایچون کوندریلور . سن مت کنديکی ، یعنی جسمانیکی مساحات هندسیه ایله اولچمه یه قالیشیرسهک او هیچ قیمتک قالماز . آنحق سنده بر جوهر وارد که نامتناهی لری ایچنه آلمشدر . انسانک بویوکلکی بورادهدر . سن کنديکی بر جرم صغیر

بولان «مسئولیت» در ؛ بونلرده علم اخلاق مبادیسنندن درلر . اختیار و اراده جزئیة مبدئی قبول ایدیلدیکجه محسنات و معیبات ، عدل و ظلم ، فضیلت و رذیلت سوزلری معناسز قالیر ؛ انسانلر آراسنده ایی وفا اولمازدی . اختیاردن مقصد نه اولدیغنی ایضاح ایتزدن اول مسئولیتک ماهیتی تدقیق ایدلم .

مسئولیت اضمحلی :

مسئولیت ، افعالک حسابی و یرمچک و نتیجهسنه کوره بالذات کندی نفسی ، کندی وجدانی و یاخود ابنای جنسی طرفدن مکافات و یا مجازات کورمچک اولان بر وجودک صفتی در . مسئولیت اخلاقیه ، ذوی العقولک قصده مقرون اولان فعلندن نشأت ایدن مسئولیت در . انسان ، قوه عقلیه و اختیاریه صاحبی ، خیر و شری تمیز ایتک حسنه مالک بر مخلوق اولونجه افعالندن مسئول اوله جفته ینه عقلنر حکم ایتکده در . اوت ، انسان لزوم تکمل و غایه خلقی بیلیمک فطرتنده یارادیلش در ؛ مادامک اشرف مخلوقات در ، بتسون مخلوقاتی ، قوای طبیعی بی تسخیر ایدمچک بر قوتی حائر در ، شو حالده غایه خلقی نه کی بر غایه ایچون یارادلدیغنی آکلامسی لازم در . عقل و اراده کی خصائص و قوا ایله مخلوقات سائرده متمایز اولان انسانک ، کندیسی ایچون مطلوب اولان غایه کالی آرایوب بولمسی بر وظیفه در . بو وظیفه دن اوزاقلاشدینی وقت عذر اولمق اوزره جهلی اورتیه آتمسی ، هیچ بر صورته شایان قبول کوریله مز . چونکه انسان ایچون مقدر اولان غایه کالی و بو غایه یه ایصال ایدمچک اولان وسائلی بیلیمسی عفو ایدیلدیه چک قدر فاحش برخطادر ؛ داعی مسئولیت در بیلدیکی حالده اوندن عدول اتمسی ، اوکا توسل ایتیمسی ایسه اک بیوک بر غلط ، اک عظیم برکنامه در . بنساء علیه هر ایکی صورتده انسان مسئولیتدن قور تولاماز . دیمک که ، غایه خلقتندن خبردار اولیان ، بو غایه دن اوزاقلاشمش بولان انسانلر - بونک سببی نه اولورسه اولسون - مسئولیت اخلاقیه دوچار اولور . بنساء علیه بومسئولیتک نه صورته تحقیق ایدمچکنی ، نه شکلده تعین ایدمچکنی آراشدیرمه مز ایجاب ایدر .

مسئولیت اضمحلی تعینی :

شمدی سوبلدیکمز وجهله ذوی العقولک قصده مقرون اولارق ایشله مش اولدیغنی ایشلری هر حالده داعی مسئولیت در . بوندن طولای عقل و حریت صاحب اولان هر انسان مسئول در . شوقدرکه هر فعل ، اخلاقی برمسئولیتی ایجاب ایتز . ایضاح ایدلم :

بزدن صدور ایدن هر فعلی ایکی صورته فرض ایدم بیلیرز : یا قصد و عمد نتیجه سی اوله رق یالتاتی صدور ایدر ؛ بر مقصد و بر فایه دوشو - نوله رک ایشه مباشرت اولنور . یاخود بلا قصد آن بر صورتده ، بزدن بر صدور ایدر . ذوی العقولدن صدور ایدن افعال ، اکثریتله برنجی قسمدر . ذوی العقولک فعلی ، بر قصد و بر نیت دن نشئت ایدر ، عقل

اولدیغنی ادراک ایدور . بوبویه اولدیغنی حالده ، ای مخلوقاتک اشرفی اولان انسان ! سن بوقدر تکریم قدرته منظر ایکن اوتانمده ن ناصیل خالقکی ، الهکی انکاره جرأت ایدیورسک ؛ ناصیل اونی طایمازه بیلیمزسک ؟ شو بیلیمچ قدرده عقلک یوقی ؟ افسوس ، صدهزار افسوس ! .. دیمک اولورکه عقل صحیح ایله متفکر اولان بر آدم ایچون انکاره نجال یوقدر . والا بیلیمچ منزله سنه ایملی . واسفا که اونک قدرده ادراکی یوق . چونکه بیلیمچده ادراک وار . آنا سنک قانادلری آلتنه التجا ایدیور . اوزاسی کندیسی دشمن شرنندن محافظه ایدمچکنی مدرک . سنک قفا کده ایسه قوجه برین وار . بیلیمچ قدرده می ادراکک یوق ؛ نه ایسه صده کله لم . ایشته انسانک الهکی بیلیمسی ایچون طریق نظرده وار . بو جهتلرندن ده بحث ایتک ایتیم .

فنی کل شی له آیه تدل علی انه واحد

عقلی اولان وجود باری یه کندی وجودیه استدلال ایدر .

(لولم یبعث الله رسولا لوجب علی الخلق معرفته تعالی بعقولهم .) اکر الله رسول کوندرمه مش اولایدی ذوی العقولدن اولان مخلوقات یسنی انسانلر اوزرینه معرفه الهی بولمق واجب اولوردی . یعنی الله اوقدر بین درکه پیغمبر بیله کوندرمه مش اولسه عقلی باشند بر آدم انفس و آفاقد کی آیات بیناتی نظر مطالعیه آنجه مطلقا آنی تصدیق ایدر . حال بوکه اجزای کائناتک هر بری الهی بیلیر ؛ قابلیت فطریه سنه کوره آنی توحید و تمجید ایدر . زده قالدی که انسان ! (وان من شی الا یسبح بحمده ولكن لا تفقهون تسبیحهم .) بوتسبیح اشیای علما تصدیق ایدن فلاسفه افرنجده واردر . انشاء الله اونلردن ده بحث ایدرز . بو بحثک مابعدینی کله چک هفته ا کال ایدرز . (ربنا لاترغ قلوبنا بعد اذ هدیتنا وهب لنا من لدنک رحمة انک انت الوهاب .)



اخلاقیات

۴

مبادی اخلاقیه دن اختیار (اراده جزئیة)

مسئولیت اخلاقیه - مسئولیت اخلاقیه نک تعینی - مسئولیتک شرائطی - حریت اخلاقیه و یا قوه اختیاریه - مسئولیتک درجات مختلفه سی و مسئولیت تاهه - مسئولیت مشترکه .

فلسفه قدیمه و جدیدمک اخلاق ایچون کشف و تعین ایله دیکی مبادینک اک مهمی ، اختیاری در ؛ انسانک عملنده مختار و اراده سنه صاحب اولمسی در . راسیونالیستلر اختیار مبدئی قبول ایله دکاری ایچون انسانک هر یایدیغندن مسئول اولمسی ده قبول ایتشلر در . بنساء علیه علم اخلاقک اساسلرندن بری ده « اختیار » و بونک اوزرینه مستند